

宋本唐人小集

宋本唐人小集

章孝標詩集

上浙東元相

婺女星邊喜氣頻
越王臺上坐詩人
雪晴山水勾留客
風暖旌旗計會春
黎庶已同猗頓富
煙花却爲相公貧
何言禹跡無人繼
萬頃湖田又斬新

贈茆山高拾遺蔓

人皆貪祿利
白首更營營
若見無爲理
兼忘不朽名
幽禽窺飯下
好藥入籬生
夢覺幽泉滴
應疑禁漏聲

次韻和光祿錢卿二首

大隱嚴城內閉門向水開
扇風知暑退樹影覺
秋來望遠雲生海行稀
砌長苔廢興今古事何
必歎池灰

閑論憂王室愁眉伏酒開
方嗟三覆役又喜四
愁來晨起螢穿竹
哺食鳥下苔同期陽月至
靈室祝葭灰

贈廬山錢卿

象魏抽簷早匡廬築室牢
官情歸去薄天爵隱
來高篋有新徵
詔囊餘舊緼袍何如捨麋鹿
明

主仰風騷

山中送進士劉蟾赴舉

去住跡雖異愛憎情不同因君向帝里使我厭
山中故友多朝客新文盡國風藝精心更苦何
患不成功

送進士陳曉往睦州謁馮郎中

孤帆幾日程投刺水邊城倚棹逢春老登筵見
月生飲酣盃有浪棊散漏無聲太守憐才者從
容禮不輕

豐城劒池即事

神物不復見小池空在茲因嫌衝斗夜未是偃
戈時岸古魚藏穴蒲凋翠立危吾皇別有劒何
必鑄金爲

詠弓

較量武藝論勲庸曾發將軍箭落鴻握內從誇
彎似月眼前還怕撇來風只知擊起穿鵬鏃不
解容和射鵠功得病自從盃裏後至今形狀怕
相逢

送無相禪師入關

九衢車馬塵不染了空人暫捨中峯雪應看內

殿春齋心無外事定力見前身聖主方崇教深
宜謁紫宸

贈匡山道者

嘗聞一粒功足以反衰容方寸如不達此生安
可逢寄書時態盡憶語道情濃爭得攜巾屨同
歸鳥外峯

道者與金丹開合已失因爲二首再有
投擲

木鑽鑽盤石辛勤四十年一朝纔見物五色互
呈妍七魄憎陽盛三彭惡命延被它迷失却歎

息只潜然

陰陽曾作炭造化亦分功減自青囊裏收安玉
合中凡材難度世神物自歸空惆悵流年速看
成白首翁

思越州山水寄朱慶餘

窻戶潮頭雪雲霞鏡裏天島桐秋送雨江艇暮
搖煙藕折蓮芽脆茶挑茗眼鮮還將歐冶劒更
淬若耶泉

蜀中上王尚書

梓桐花幕碧雲浮天許文星寄上頭武略劒峯

環相府詩情錦浪浴仙州丁香風裏飛牋草
竹煙中動酒鈎自古名高閑不得肯容王粲賦
登樓

贈陸鬯浙西進詩除官

帝城雲物得陽春水國煙花失主人昨日天風
吹樂府六宮絲管一時新

古行宮

瓦煙踈冷古行宮寂寞朱門反鎖空殘粉水銀
流砌下墮環秋月落泥中鶯傳舊語嬌春日花
學嚴粧妬曉風天子時清不巡幸祇應鸞鳳集

梧桐

題上皇觀

煙霞星蓋七星壇想像先朝駐禁鑾輦路已平
栽藥地皇風猶在步虛寒樓臺瑞氣晴蕭索杉
檜龍身老屈蟠翻感惠休并李郭劍門空處望
長安

鷹

星眸未放瞥秋毫頻掣金鈴試雪毛會使老拳
供口腹莫辭親手啖腥臊穿雲自怪身如電煞
兔誰知吻勝刀可惜忍飢寒日暮向人鵠斷碧

絲條

方山寺松下泉

石脉綻寒光松根噴曉霜
注瓶雲母滑漱齒茯苓香
野客偷煎茗山僧惜淨床
三禪不要問孤月在中央

瀑布

秋河溢長空天灑万丈布
深雷隱雲壑孤電掛岳樹
滄溟曉噴寒碧落晴湯素
非趨下流急勢使不得住

送張使君赴饒州

饒陽因富得州名不獨農桑別有營日暖提筐
依茗樹天陰把酒入銀坑江寒魚動槍旗影山
晚雲和鼓角聲太守能詩兼愛靜西樓見月幾
篇成

和滕邁先輩傷馬

浮雲變化失龍兒始憶嘶風噴沫時蹄想塵中
翻碧玉尾休煙裏掉青絲曾同客舍吞飢渴久
共名場踏嶮巖今日櫪前興一歎不關行李乏
金羈

省試騏驥長鳴

有馬骨堪驚無人眼暫明力窮吳坂峻嘶苦朔
風生逐逐懷良御蕭蕭顧樂鳴瑤池期弄影天
路擬飛聲皎月誰知種浮雲莫問程鹽車今願
脫千里爲君行

鯉魚

眼似真珠鱗似金時時動浪出還沉河中得上
龍門去不歎江湖歲月深

飢鷹詞

遙想平原兔正肥千迴礪吻振毛衣縱令啄解
絲條結未得人呼不散飛

歸燕詞辭工部侍郎

舊壘泥巢泥已落今年固向社前歸連雲大厦
無棲處更繞誰家門戶飛

歸海上舊居

鄉路繞蒹葭縈紆出海涯人衣披蜃氣馬跡印
鹽花草沒題詩石潮推坐釣槎還歸舊窓裏凝
思向餘霞

荅友人惠牙簪

牙簪不可忘來處隔炎荒截得半環月磨成四
寸霜曉擘梳齒膩秋入髮根涼好是紗巾下纖

織錐出囊

日者

十指中央了五行說人休咎見前生我來本乞
真消息却怕呵錢卦欲成

送金可紀歸新羅

登唐科第語唐音望日初生憶故林鮫室夜眠
陰火冷蜃樓朝泊曉霞深風高一葉飛魚背湖
淨三山出海心想把文章合夷樂蟠桃花裏醉
人參

聞角

邊秋盡角怨金徽半夜對吹驚賊圍塞鴈遶空
秋不下胡雲著草凍還飛關頭老馬嘶看月磧
裏疲兵淚濕衣餘韻嫋空何處盡戍天寥落曉
星稀

夢鄉

家住吳王舊苑東屋頭山水勝屏風尋常夢在
秋江上釣艇游揚藕葉中

織綾詞

去年蠶惡綾帛貴官急無絲織紅淚殘經脆緯
不通梭鵲鳳闌珊失頭尾今年蠶好繰白絲鳥

鮮花活人不知瑶臺雪裏鶴張翹禁苑風前梅
拆枝不學隣家婦慵懶蠟揩粉拭謾官眼

諸葛武侯廟

木牛零落陣圖殘山姥燒錢古栢寒七縱七擒
何處在茅花櫪葉蓋神壇

長安秋夜

荆公百家詩選只取此
一首亦題長安秋夜云

田家無五行水旱卜蛙聲牛犢乘春放兒童候
暖耕池塘煙未起桑柘雨初晴歲晚香醪熟村
村自送迎

錢塘贈武翊黃